

Im Bergdörfli mi

Hoch uf em Hügel,
Am sunnige Rai,
Stönd e paar Hüsli,
Do bin i dehei!
Sind e paar Gärte,
Mäng nützliche Plätz
Tuet mer verwärte,
Gwünnt Nahrig und Schätz!
Sisch en Fleck Erde,
Nöd z'gross und nöd z'chli -
Grad wien erschaffe,
Für's Bergdörfli mi!

Und do, a dem Oertli,
Tuscht mer mängs Wörtli,
Mäng chräftige Satz
Findt redliche Platz;
Mäng guete Rat
Us gsundem Verstand
Wird wirkliche Tat.
Do hilft mer ä nand
Bim Werche ä chli,
Dankt - druckt ä nand d'Hand -
Im Bergdörfli mi!

Und z'Obig bim Jasse,
I Nachbars Hus,
Spielt mer mit Spasse
Sis Trümpfli denn us.
Do trinkt mer mit Mass
Es guets Tröpfli Wii,
Us finem Glas
Und raucht eis derbi.
So goht amene Obig
Mängs Stündli so hi,
Im heim'lige Stübli,
Im Bergdörfli mi!

Luisa Kopp